

**Служба священномученику Стефану Немкову,
пресвитеру (9 сентября н.ст.)**

В Ё Ч Е Р

На Господи, воззвах: стихіры, глас 1.

Прехвальне священномучениче Стефане,/ ты ни темница изнуріла
есть,/ ни глад уморі,/ ни озлобленія и раны смятоша,/ во еже разлучіти
тя от любви Божия/ и благодарованныя паствы./ Темже Христу, святе,
молися/ даровати Церкви нашей// мир и велию милость.

Всехвальне священномучениче Стефане,/ от братьей по плоти
страдания до крове претерпевая,/ в себе помышлял еси,/ яко Господа ради
умерщвляеми есмы/ и несть наша брань противу плоти и крови,/ но к
миродержителю тьмы века сего./ Темже Христу, святе, молися,/ даровати
земли нашей// мир и велию милость.

Преславне священномучениче Стефане,/ ты жертву безкровную/
первое благоговейне совершая,/ послежде, яко всеплодие,/ себе самого в
жертву живую принёс еси,/ моля, да простится грех богоборчества
народа нашего./ И ныне Христу, святе, молися/ даровати людем
россійским// мир и велию милость.

Слава, глас тойже:

Церкви Россійския славо/ и Отечества нашего украшение,/
священномучениче Стефане,/ властью, от Бога тебе данною,/ ругатели
безбожныя обличал еси,/ и, яко волки лютыя, от стада твоего отгнал еси/
и диавола посрамил еси,/ кровь же твоя, яко Авелева,/ от земли нашея
вопиет немолчно./ Сего ради ходатай на Небеси о нас верен буди// и моли
спастися душам нашим.

И ныне, Богородичен: Всемирную славу:

Вход. Прокимен дне. И чтения три.

Деяний святых апостол чтение (глава 4):

Во дни оны, глаголющим же апостолом к людем,/ найдоша на них
священники и воевода церковный, и саддукеи,/ жалеюще си, за еже учить
им люди и возвещати о Иисусе воскресение мертвых;/ и возложивша на
них руки и положивша их в соблюдение до утра:/ бе бо вечер уже./ Мнози
же от слышавших слово вероваша:/ и бысть число мужей яко тысяч пять./

Бысть же наутрие собратися князем их, и старцем, и книжником во Иерусалим:/ и Анне архиерее, и Каиафе, и Иоанну, и Александру,/ и елицы беша от рода архиерейска./ И, поставльше их посреде, вопрошаху:/ кою силою, или коим именем сотворите сие вы?/ Тогда Петр, исполнився Духа Свята, рече к ним:/ князи людстии и старцы Израилевы,/ аще мы днесь истязуеми есмы о благодеянии человека немощна,/ о чем сей спасеся,/ разумно буди всем вам и всем людем Израилевым,/ яко во имя Иисуса Христа Назорея,/ Егоже вы распясте,/ Егоже Бог воскресил от мертвых,/ о сем сей стоит пред вами здрав./ Сей есть камень, укоренный от вас, зидующих,/ бывый во главу угла,/ и несть ни о едином же ином спасения;/ несть бо иного имени под небесем, даннаго в человецех,/ о немже подобает спастися нам.

Деяний святых апостол чтение (глава 4):

Во дни оны, видяще иудеи Петрово дерзновение и Иоанново и разумевше,/ яко человека не книжна еста и проста, дивляхуся,/ знаху же их, яко со Иисусом беша;/ видяще же исцеленнаго человека с ними стояща,/ ничтоже имяху противу рещи./ Повелевше же има вон из сонмища изыти,/ стязавшася ко друг другу, глаголюще:/ что сотворим человека сима?/ Яко убо нарочитое знамение бысть има,/ всем живущим во Иерусалиме яве,/ и не можем отрещися;/ но да не более прострется в людех,/ прещением да запретим има кому не глаголати о имени сем ни единому от человек./ И призавше их,/ заповедаша има отнюдь не провещавати, ниже учити о имени Иисусове./ Петр же и Иоанн, отвещавше к ним, реста:/ аще праведно есть пред Богом/ вас послушати паче, нежели Бога?/ Судите: не можем бо мы, яже видехом и слышахом, не глаголати./ Они же, призапрещше има, пустиша я,/ ничтоже обреще, како мучити их, людей ради,/ яко вси прославляху Бога о бывшем:/ лет бо быше множае четьредесяти человек той,/ на немже бысть чудо сие исцеления.

Деяний святых апостол чтение (глава 4):

Во дни оны, отпущена бывша апостола приидоста ко своим и возвестиста,/ елика к ним архиереи и старцы реша./ Они же, слышавше, единодушно воздвигоша глас к Богу и рекоша:/ Владыко, Ты, Боже, сотворивый небо и землю и море и вся, яже в них,/ Иже усты Давида, отрока Твоего, рече:/ вскую шаташася языцы и людие поучишася тщетным?/ Предсташа царие земстии,/ и князи собрашася вкупе на

Господа и на Христа Его./ Сбращася бо воистину во граде сем на святого
Отрока Твоего Иисуса,/ Егже помазал еси,/ Ирод же и Понтийский
Пилат, с языки и людьми израилевыми,/ сотворити, елика рука Твоя и
совет Твой предначерчѣ быти./ И ныне, Господи, призри на прещения их/
и даждь рабом Твоим со всяким дерзновением глаголати слово Твое,/
внегда руку Твою прострѣти Ти во исцеления,/ и знамением и чудесем
бывати именем святым Отрока Твоего Иисуса./ И помолившимся им,
подвижется место, идеже бяху собрани,/ и исполнися вси Духа Свята,/ и
глаголаху слово Божие со дерзновением.

На стиховне стихирѣ, глас 6.

Столп непоколебимый Русския Церкви был еси,/ гонения лютая
претерпевая,/ день и ночь в молитве подвизался еси,/ священномучениче
Стефане,/ огнем ревности и духом кротости/ паству твою ко Христу
путеводя,// тем ты любовьию почитаем.

**Стих: Священницы Твоя облекутся в правду// и преподобнии
Твой возрадуются.**

Верен Богу и Церкви был еси даже до смерти,/ священномучениче
Стефане,/ ныне же, с лики новомученик и исповедников Россійских/
предстоя Христу Царю,/ молися с ними прилежно/ даровати нам мир// и
велию милость.

Стих: Честна пред Господем// смерть преподобных Его.

Душевная и телесная страдания твоя/ и смерть за Господа вольная от
безбожных/ отверзоша ти, святе Стефане,/ врата жизни вечныя/ и
укрепиша братьев твоих исповедати Христа./ Темже Ему молися присно,//
да утвердятся Православие на Руси во веки.

Слава, глас 4:

Ангели страданием твоим дивляхуся,/ и Церковь Небесная радостно
тея прият,/ достохвально Стефане./ Ныне же, священной руке твой/ к
Престолу Святыя Троицы простирая,/ поминай землю Русскую,/ юже
возлюбил еси,// моля о спасении славящих тя благочестно.

И ныне, Богородичен, глас тойже:

Призри на моления Твоих раб, Всенепорочная,/ и всякия скорби
избави землю Русскую,/ дом Твой нареченную/ и кровью новомученик
освященную./ Да не постыдимся, Владычице Державная,/ Тя

призывающих,/ Ты бо еси православных помощь,/ радость и покров// и спасение душ наших.

Тропарь, глас 3:

Церкве Русския столпе непоколебимый,/ благочестия правило,/ жития евангельского образе,/ священномучениче Стефане,/ Христа ради пострадавший даже до крове,/ Егоже моли усердно,/ яко Начальника и Совершителя спасения,/ Русь Святую утвердить в Православии// до скончания века.

НА УТРЕНИ

По стихословии седален, глас 6:

Сквозе огонь мучения, яко свидетель верный, прошел еси,/ блаженне Стефане,/ сего ради с лики святых земли Русския/ в Небесном Отечестве торжествуеши./ Помози и нам быти верным Христу и спастися душам нашим.

Слава, и ныне, Богородичен:

О Всепетая Дево,/ Тя вемы Покров земли Русския,/ Тебе бо, грешнии, имамы предстательство,/ Тебе стяжанием в напастех спасение,/ Едину Всенепорочную.

Величание:

Величаем тя,/ священномучениче Стефане,/ и чтим честная страдания твоя,/ яже за Христа во утверждение на Руси Православия// претерпел еси.

Псалом избранный:

1-й лик: Бог нам Прибежище и Сила.

2-й лик: Господи, воздвигни силу Твою и прииди, во еже спасти ны.

1-й лик: Глаголах о свидениях Твоих пред царя и не стыдяхся.

По полиелее седален, глас 1:

Доблий страдальче и служителю Таин Божиих,/ священномучениче Стефане,/ Церкве Русския похвало и утверждение,/ ныне, празднующе твою память,/ Богу, прославльшему тя, благодарственно вопием:/ слава Давшему ти крепость во страданиях,/ слава Венчавшему тя,/ слава Спасавшему нас твоими молитвами.

Сла́ва, и ны́не, Богоро́дичен:

Предста́тельница тёплая и Засту́пнице усер́дная,/ в годи́ну безбо́жия от коне́чныя поги́бели/ зёмлю Ру́сскую изба́вляшая всемо́щным ходата́йством к Сы́ну Твоему́,/ и ны́не не оста́ви нас моли́твами Твои́ми, Влады́чице Богоро́дице.

Степе́нна, 1-й антифо́н 4-го гласа. **Прокі́мен, глас 4: Прои́дóхом сквозе́ огонь и во́ду, // и извёл еси́ ны в по́кой.** Стих: Разже́гл ны еси́, я́коже разжиза́ется серебро́. Всякое дыха́ние: Ева́нгелие от Матфе́я, зача́ло 36.

По 50-м псалме́ стихі́ра, глас 6:

Егда́ попусти́ Госпо́дь по грехо́м на́шим/ братоуби́йство, гоне́ния и ве́ры Христо́вы поруга́ние,/ ты, священномучени́че Стефáne,/ Це́ркве Росси́йския столп непоколеби́мый яви́лся еси́/ и, кровь свою́ за Христа́ проли́яв,/ па́ству во еди́нстве соблю́л еси́./ Ны́не же, на Небеси́ предстоя́ с ли́ки новомучени́ков, // моли́ спаст́ся душа́м на́шим.

Кано́н, глас 4.

Песнь 1

Ирмо́с: Мо́ря чермну́ю пучи́ну/ невла́жными стопа́ми/ дре́вний пешешество́вав Израи́ль,/ крестообра́зными Моисе́овыми рука́ма// Ама́ликову си́лу в пусты́ни победи́л ест́.

Во́ли Бо́жией послушли́в быв,/ священства́ дар прия́л еси́, священномучени́че Стефáne,/ и, за Христа́ да́же до сме́рти пострада́в,/ ве́рный сын Це́ркве яви́лся еси́.

Изгна́ние и разлуче́ние с па́ствою твоёю му́жественне претерпе́л еси́, священномучени́че Стефáne,/ но ничто́же возмо́же разлучи́ти тя от любви́ Бо́жия.

Безбоя́зненно пропове́довал еси́ лю́дем пока́яние, священномучени́че Стефáne,/ да обратят се́рдца сво́я к Бо́гу/ и то́кмо на Него́ в ско́рбех и лишё́ниях упова́ние ймут.

Богоро́дичен: Ма́ти Бо́жия,/ дом Твой, Свята́я Русь, мо́лит Тя:/ изба́ви лю́ди Твоя́ от вся́кия ну́жды и ве́чнаго осужде́ния.

Песнь 3

Ирмос: Веселится о Тебе Церковь Твоя, Христэ, зовущи:/ Ты моя крепость, Господи,// и прибежище, и утверждение.

Егда прииде испытание веры твоея, священномучениче Стефане,/ страдание за Христа, яко благодатный дар, приял еси/ и кровию твоею Русскую землю обогрил еси.

Егда прииде гонение от безбожных,/ столп непоколебим Русския Церкви явился еси, священномучениче Стефане,/ святых, яко ближних сродник, в помощь призывая,/ с нимиже купно ныне прославляешися.

Аще и умерщвлен был еси телом, священномучениче Стефане,/ обаче духом козни диавольския посрамил еси,/ имея Христа прибежище и утверждение.

Богородичен: Тя Предстательницу, Пречистая Дево, молим:/ преложи нашу печаль на радость и скорбилежащая избави, Заступнице наша.

Седален, глас 3:

Заветы исповедников и священномучеников Христовых восприем,/ душу твою за веру Православную положил еси, святе,/ еюже утверждается земля Русская./ Сего ради молися, священномучениче Стефане,/ любовью чтущим тя верным Христу до конца быти.

Слава, и ныне, Богородичен:

Не имамы иного прибежища, разве Тебе, Богородице,/ Отечества нашего усердная Заступнице:/ всяк бо, почитая Тя, надежду обретает.

Песнь 4

Ирмос: Вознесена Ты видевши Церковь на Кресте,/ Солнце Праведное,/ ста в чине своем,/ достойно зывающи:// слава силе Твоей, Господи.

Да не дерзают языцы рещи: где есть Бог ваш?/ Кровь бо новомучеников от земли наша вопиет:/ Господи, Господь наш, яко чудно имя Твое по всей Русстей земли.

Имже образом желает елень на источники водные,/ сие ты, страстотерпче Стефане, к живоносным страданием за Христа притекл еси,/ имиже присно священно обновляется лице земли Русския.

Вся земная ни во что вменив Христа ради,/ словом и житием,
священномучениче Стефане, верных поучал еси:/ о Боже сотворим силу,/ и Той уничижит стужающих нам.

Богородичен: Стена необоримая и Покров всемогущий Российским
новомучеником явилася еси, Пресвятая Дево,/ темже Тя величаем.

Песнь 5

Ирмос: Ты, Господи мой,/ Свет в мир пришел еси,/ Свет Святыи,
обращаяй из мрачна неведения// верою воспевающих Тя.

Яко луч Солнца Правды явился еси, священномучениче Стефане,/ и
страданиями твоими мглу безбожия над Отечеством нашим рассеял еси.

Егда безбожнии тщаяся сокрыти тя в темнице, священномучениче
Стефане,/ Господь яви тя исповедника Своего всем концем земли
Русския.

Русския Церкви светильниче священный Стефане,/ кровью
мученическими неугасимо светяй и у Престола Божия предстоай,/ молися
о чтущих тя.

Богородичен: Иже от Девы неизреченно рождейся, Господи,/ сохрани
молитвами Ея Церковь Твою,/ Тебе славящую православными гласы.

Песнь 6

Ирмос: Пожру Ти со гласом хваления, Господи,/ Церковь вопиет Ти,/ от
бесовския крове очищшися/ ради милости от ребр Твоих// истекшею
Кровию.

Восприим меч духовный, иже есть глагол Божий,/ безбожных козни
сокрушил еси, священномучениче Стефане,/ и вся разжженные стрелы
лукаваго угасил еси щитом веры Православных.

Во священниках благочестно пожив и мучения путь терпеливо
восприим,/ сугубую мзду на Небесех обрел еси, священномучениче
Стефане,/ идеже евангельски присто радуюшися и веселишися.

Ничтоже возможно разлучити тя, богоприятне, от любви Христовы:/ ни
скорбь, ни гонение, ни смерть,/ вся бо сия силою Возлюбльшаго тя
Господа препобедил еси, священномучениче.

Богорóдичен: Поём Тя, Предстáтельница тёплая и Застúпнице христиáн, Богорóдице Всепéтая,/ ýко со всёми святы́ми земли́ Рýсския мо́лиши Сы́на Твоего́ и Бо́га на́шего/ обрести́ нам вéлию мýлость.

Конда́к, глас 2:

Восхва́лим, вёрнии,/ изря́днаго во священни́цах/ и сла́внаго в мýченицах Сте́фана,/ Правосла́вия побóрника и благочéстия ревни́теля,/ земли́ Рýсския кра́сное прозябéние,/ ýже страда́нием Небесé достýже/ и та́мо тёпле мо́лит Христа́ Бо́га// спасти́ся душáм на́шим.

Ýкос:

Красу́йся и лику́й, Цёрковь Рýсская,/ ýко благопло́дная лозá священна́го страда́льца израсти́вшая,/ добропобéдным мучéнием сердца́ вёрных укрепивша́го,/ за́поведи Господни испóлнивша́го и прýсно ева́нгельски учивша́го:/ приидите, ча́да, послу́шайте мене́,/ не убо́йтесь от убива́ющих те́ло, души́ же не могу́щих уби́ти,/ убо́йтесь же па́че могу́щаго ду́шу и те́ло погуби́ти в геéнне./ Тёмже, священномучени́че Сте́фане, моли́ Христа́ Бо́га спасти́ся душáм на́шим.

Песнь 7

Ирмо́с: В пе́щи авраáмстии óтроцы персидстей,/ любóвию благочéстия па́че,/ неже́ли пла́менем, опаля́еми, взыва́ху:// благословéн еси́ в хра́ме сла́вы Твоея́, Го́споди.

Ýко триé óтроцы, в пе́щи вавилóнстей пла́менем объ́ятии, моли́твою не сгара́ху,/ та́ко ты, священномучени́че Сте́фане, во огни́ мучéний благода́тию ве́ру сохрани́л еси́./ Сего́ ра́ди ны́не с новомучени́ки Росси́йскими лику́еши:/ благословéн еси́, Бо́же отце́в земли́ на́шей.

Ýкоже дрéвле óтроцы, в пе́щи неопаля́еми, златóму истукáну не поклони́шася,/ та́ко же и ты, священномучени́че Сте́фане, огнём мучéний неопаля́емь,/ безбо́жие небо́язненно облича́л еси́, взыва́я с новомучени́ки Росси́йскими:/ благословéн еси́, Бо́же отце́в земли́ на́шей.

Жёртву живу́ю и всесо́жже́ние Творцу́ себе́ сама́го принося́, священномучени́че Сте́фане,/ с новомучени́ки Росси́йскими воспева́л еси́:/ могу́щии, покая́йтесь, ýко с на́ми Бог отце́в земли́ на́шей.

Богорóдичен: Яже пáче умá и естества́ Бóга рóждши,
Неискусомúжная Марíе,/ чтúщия Тя от враг вíдимых и невíдимых
избáви,/ Ты бо еси́ земли́ отцév нáших Держáва необорíмая.

Песнь 8

Ирмós: Рúце распростёр, Даниíл/ львов зия́ния в рóве затчé;/
огненную же сíлу угасíша,/ добродéтелию препоя́савшеся,/ благочéстия
рачítели óтроцы, взывáюще:// благословíte, вся дела́ Госпóдня, Гóспода.

Зéмлю Рýсскую, безбóжными гонéнии нещáдно жегóмую,/ слезáми и
кровьмí твоими напоíл еси́, священномúчениче Стефане,/ сего́ рáди
плоды́ вéры, ча́да церкóвная, возрастíл еси́.

Злóбы мучítелей не убо́ялся еси́,/ огнём любóве Божéственныя тýя
препобедíв,/ тёмже благодáть молíтися о нас стяжáл еси́,
священномúчениче Стефане, достохвáльне.

Благословля́я гонítелей тво́их, блажénне Стефане,/ усérдно молíлся
еси́ за них,/ да пока́ются и кúпно с вёрными брáтиями благословя́т
Гóспода.

Богорóдичен: Христá зря́щи умерщвля́ема, Многопéтая Влады́чица,/
и вíдящи исполнéние Сímeонова проречéния, слезя́щи взывáше:/
благословén еси́, Бóже, во вéки.

Песнь 9

Ирмós: Кáмень нерукосéчный/ от несекóмыя горы́, Тебé, Дéво,/
краеугóльный отсечéся,/ Христós, совокупíвый разстоя́щаяся естества́.//
Тем, веселя́щеся, Тя, Богорóдице, велича́ем.

Рука́ми беззакóнных убиén,/ жéртва благоприятная и вóльное
заколéние Бóгу принéслся еси́, свýтче Бóжий Стефане./ Тем благодарне
па́мять твою́ почита́ем.

Госпóдь, исполня́я смотре́ние Своё́ о Цérкви Рýсстей,/ застúпника тя,
священномúчениче Стефане, соде́ла./ Тёмже молíся Емú, во благочéстии
нам пребывáти и спаст́ся душáм нáшим.

О бéздна блага́сти Бóжия!/ Даровá бо Бог возлю́бленным Сво́им вéры
ра́ди пострада́ти/ и тя, священномúчениче Стефане,/ я́ко плод кра́сный
спасíтельного сéяния, избрá от земли́ Рýсския.

Богорóдичен: Разорí совёты вся, на ны воору́женные, Мáти Бóга В́шнего,/ и рáдости испóлни упováющия на Тя,/ да усéрдно вси Твое́ проповéдуем заступлénие.

Светíлен:

Пáству хлéбом слóва Бóжия насыщáя/ и винóм премúдрости свящénныя напо́яя,/ теплото́ю любв́е твое́я дáры сия́ растворíл есí, священномúчениче Стефане./ И нýне вы́соким проповéданием вещáеши чáдом Цérкве Рýсския:/ приступíte ко Гóсподу, и просветíteся,/ и л́ица вáша не постыд́ятся.

Слáва, и нýне, Богорóдичен:

О Тебé мы хвáлимся, Богородíteльнице,/ и к Бóгу Тя íмамы Предстáтельство,/ прострí рýку Твою́ необорíмую/ и сокрушí врагí Цérкве Рýсския.

На хвалíteх стихíры, глас 4.

Дал есí знáмение/ земл́и Рýсстей, Гóсподи,/ священномúченика, угодника Твоегó, Стефана,/ я́ко да тем умоле́н бывáя,/ отврати́ши пра́ведный Твой гнев,/ и не погíбнет святáя/ и боголюбíвая Русь// предстáтельством нóваго страсотéрпца.

Жéртву хвалéния/ прíсно Гóсподеви принося́,/ священномúчениче Стефане,/ в ко́нec самáго себé/ в жéртву ж́иву и святу́,/ благоугóдну и совершénну предстáвил есí,/ тéмже ти вéрно вопи́ем:/ благоприя́тны сотвори́ моли́твы нáша// о благостоя́нии Цérкве Рýсския.

Предстáтелю Цérкве Рýсския,/ священномúчениче Стефане всехвáльне,/ в́ину зря́й Лице́ Гóспода на Небесéх,/ не прéзри ни ед́наго/ от ма́лых чад е́я,/ но рáдостно пока́яние нáше приими́/ и моли́ прíсно// сыновóм Росси́йским спаст́ися.

Слáва, глас 8.

О, преслáвнаго чудесé!/ Я́ко крин посреде́ тёрния,/ в страда́ниях за Христа́ процвёл есí, священномúчениче Стефане,/ да не затмíтся в земл́и нáшей свет Правослáвия/ во откровéние язы́ком и слáву наро́да Рýсского./ И нýне, в селе́ниях ра́йских пребывáя,/ неувяда́емо благоухáеши// вéре твоёй подража́ющим.

И нýне, глас и подóбен то́йже:

О, преслávнаго чудесé!// Небесé и землі Царі́ца,/ от святых срóдников
наших умоля́емая,/ до ны́не зéмлю Рýсскую покрывáет/ и лі́ка Своего́
изображéнии мѣлостивно обогащáет./ О Влады́чице Держáвная!// Не
престáни и на б́удущее вре́мя/ во утверждéние на Русѣ́ Правослáвия//
мѣлости и чудеса́ изливáти до вéка. Амѣнь.

Славослóвие вели́кое. И отпу́ст.

НА ЛИТУРГІИ

Блажéнна от канóна, пѣснь 3-я и 6-я.

Прокѣ́мен, глас 7: Честна́ пред Го́сподем// смерть преподо́бных Его́.
Стих: Что возда́м Го́сподеви о всех, я́же воздаде́ ми?

Апо́стол к Рѣ́мляном, зачáло 99.

Аллилу́ия, глас 2: Священни́цы Твоѣ́ облекúтся в правду, и
преподо́бнии Твоѣ́ возра́дуются. Стих: Бог нам Прибе́жище и Сѣ́ла,
Помо́щник в ско́рбех, обрѣ́тших ны зело́.

Ева́нгелие от Лу́ки, зачáло 106. Конѣ́ц: В терпе́нии ва́шем стяжѣ́те
душа́ ва́ша.

Прича́стен: В па́мь вѣ́чную б́удет пра́ведник:

Моли́тва

О избра́нниче и уго́днике Христóв, священномúчениче Стефане,
Цѣ́ркве Рýсския сто́лпе непоколебѣ́мый, землі́ наша́ благо́е прозябѣ́ние
и кра́сный плод, срóдников твоѣ́х предста́телю и наста́вниче! Ты во вре́мя
гонѣ́ния безбо́жнаго от сокро́вищницы душі́ твоеѣ́ спасѣ́тельное
исповѣ́дание Правослáвныя вѣ́ры изне́сл еси́, и лю́дем вѣ́рным па́стырь
до́брый яви́лся еси́, ду́шу твою́ за Христа́ и Его́ о́вцы полага́я и лю́тыя
во́лки далѣ́че отгоня́я. Ны́не ўбо при́зри на нас, недостóйных чад твоѣ́х,
умилѣ́нною душе́ю и сокруше́нным се́рдцем тя призыва́ющих. Умоли́
Го́спода Бо́га, да прости́т согрѣше́ния на́ша и изба́вит от áдовых уз и
вѣ́чнаго мучѣ́ния. Утверди́ нас в вѣ́ре святѣ́й, научи́ нас всегда́ творѣ́ти
во́лю Бо́жию и хранѣ́ти за́поведи церко́вныя. Б́уди па́стырем на́шим
пра́вило вѣ́ры, вои́ном вождь духо́вный, боля́щим врач изря́дный,
печа́льным утѣшитель, гонѣ́мым заступник, ю́ным наста́вник, всем же
благосе́рдый оте́ц и те́плый моли́твенник, я́ко да моли́твами твоѣ́ми
соблюде́тся в Правослáвии Свята́я Русь и непрестáнно сла́вится в ней ѣ́мя
Пресвяты́я Трои́цы, Отца́, и Сы́на, и Свята́го Ду́ха, во вѣ́ки веко́в. Амѣнь.